

Ugovorne strane:

Ministarstvo unutrašnjih poslova Kantona Sarajevo, sa sjedištem u ulici La Benevolencija broj 16, koje zastupa ministar Admir Katica, (u daljem tekstu: Ugovorni organ) i

VATROTEH INŽINJERING d.o.o. Sarajevo, sa sjedištem u ulici Igmanska bb, Vogošća, ID broj: 4201733350008 koje zastupa direktor Nevzet Avdagić (u daljem tekstu: Prodavac)

zaključile su:

UGOVOR

**za nabavku usluge periodičnih i kontrolnih pregleda aparata za početno gašenje požara i hidrantske instalacije za potrebe
Ministarstva unutrašnjih poslova Kantona Sarajevo, LOT 2**

Član 1.

Predmet ovog Ugovora je nabavka usluga periodičnih i kontrolnih pregleda aparata za početno gašenje požara i hidrantske instalacije za potrebe Ministarstva unutrašnjih poslova Kantona Sarajevo – LOT 2.

Ugovor se zaključuje u skladu sa uslovima iz tenderske dokumentacije, odredbama Okvirnog sporazuma broj: 04-1-11-4-3463-6/25 od 24.10.2025. godine i stvarnim potrebama Ugovornog organa, ponudom Prodavca broj: 151-2/25 od 26.08.2025. godine, ponudom nakon e-aukcije kao i Izvještajem o toku i završetku e-aukcije koji čine sastavni dio ovog Ugovora.

Postupak nabavke je proveden na osnovu Odluke o pokretanju postupka nabavke broj: 04-1-11-4-3463/25 od 13.05.2025. godine, Izmjene i dopune Odluke broj: 04-1-11-4-3463-1/25 od 09.07.2025. godine i Obavještenja o nabavci broj: 1364-1-2-68-3-61/25 od 31.07.2025. godine.

Član 2.

Ukupna vrijednost ovog Okvirnog sporazuma iznosi 6.170,00 KM bez PDV-a (šesthiljadastotinusedmdeset i 00/100 KM).

Cijene su fiksne i ne mogu se mijenjati za vrijeme važenja ovog Okvirnog sporazuma.

Član 3.

Ugovorni organ će ugovorenu cijenu plaćati u roku od 30 dana od dana isporuke i dostavljanju fakture.

Član 4.

Prodavac se obavezuje da ugovorenu uslugu izvrši u roku do 30 dana, a po pozivu Ugovornog organa.

Član 5.

Prodavac je dužan u roku od 10 dana od dana zaključivanja/obostranog potpisivanja ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora. sa rokom važnosti: rok izvršenja ugovornih obaveza + 30 dana.

Član 6.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogodene višom silom. Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Ovaj Ugovor stupa na snagu danom obostranog potpisivanja, zaključuje se na period od godinu dana ili do realizacije ukupnog ugovorenog iznosa.

Član 8.

Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 9.

Sva, eventualno sporna pitanja rješavat će se dogovorom, štiteći obostrane interese. U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 10.

Ovaj Ugovor izraden je u četiri (4) istovjetna primjerka, od kojih po dva (2) zadržava svaka strana.

PRODAVAC
VATROTEH INŽINJERING d.o.o.
Sarajevo

direktor, Nevzet Avdagić

Datum:

Broj:

